

道光戊申重刊

十七史蒙



大文堂藏板

王先生十七史蒙求序

先生諱令字逢原少有英譽

大丞相

王文

公深器重之旬月不見卽以詩思之曰力

排異端誰助我憶見夫子真奇材槩可知

矣先生富學該博十七史書莫不通究其

間聖君賢相忠臣義士文人武夫孝子烈

婦功業事實以類纂集參爲對偶聯以音

韻分爲十六卷目曰十七史蒙求以資記

序

誦討論惜乎蚤世其書湮沒不傳余昨自

吳中尋訪得所遺文十卷見已刊行今復

得此書難以自祊當與學者共之用傳不

朽時建中靖國改元祊禊日弟英州刺史

獻可序

國朝古

不靖圖

讀王勉夫野客叢書知李氏蒙求注者非一家歲久散佚聞宋徐子光注尙有寫本流傳而不可得見所見明豐陽俞文彬校釋本淺陋寡學徵引不著書日率多臆撰甚至易楊震關西爲楊時道南戴逵破琴爲商英降霖以宋代事孱入李書其亦眯目而道黑白者已源醜先生淵源家學過庭之餘紬繹腹笥譌爲補注六卷檮昧如余辱承商摧因思李氏名書原以訓習童蒙非必修隸僻事顧古人博極羣書無一字無來歷有若周氏千文疇弗童而習之然白首仍多未解如是編之孟某養素當卽本千文之敦素而其來歷未易詳也又如俞氏之注何謙焚祠句云謙字子恭不畏神祠遇有靈廟

孫序

悉焚之而不詳其爲何代人與事出何書仍使讀者有郢書燕說之疑焉先生於所疑者寧嗛然闕之而未嘗竄易遷就以求合非特視俞注臆撰相去徑庭卽精審如有宋諸家當亦無以易此也攷直齋書錄解題徐氏亦曰補注又稱其於本句之外兼及其人他事則先生固皆與之關合已歲昭陽單闕余月朔頤谷孫志祖序

李瀚蒙求載在全唐詩卷末惜其注不傳童學求由津
逮故世但知有王逢源十七史蒙求而李氏隱矣余友
源醴金氏以其家塾課本一一句稽而考證之事必追
其始文必据其詳史傳紀載必求其確梨然秩然無割
裂增損之病無抄綴錯簡之失間有一二涉疑者寧闕
焉余受而讀之亟爲愆患付之梨棗此豈獨爲童蒙口
耳之學抑亦博聞彊識者所不廢也按唐宋以前人所
撰蒙求尙不止此有兩漢蒙求南北史蒙求其它類是
者如仙苑編珠國史對韻孝弟類鑒皆權輿於李氏者
並載晁氏郡齋讀書志今悉未見流傳其有注無法不
可知倘皆如是編之用心一展卷而如觀掌果於史學
思過半矣其有功於藝苑豈淺鮮哉乾隆癸卯上巳山
舟梁同書述

李瀚蒙求一編舊板罕傳坊刻祇取其總目而刪去其
注此康熙中秀水朱君甫田跋十七史蒙求注後語考
是編自宋以還注家甚夥既未知朱氏所指刪注者爲
何本近乃并無總目在坊間矣憶丙子歲先大夫從
全唐詩卷末檢付家兄手鈔授讀妹氏二十年來遞授
諸女孫誦習舍餘有喜時爲講解數條顧恒以舊注失
傳爲憾幸丑長夏炎歊困人坐甑不慘命取是編補爲
注釋蠹穿獺祭屏筵拈毫日課率二三十事會人事紛
擾輟弄篋衍者次之明年春復事綴輯幸已得八九過
庭之暇時經指誤因得釐成完本亡何風樹頓驚蓼莪
永廢倚廬讀禮違問其它偶山舟先生過訪見之謬辱

自序

獎許謂足沾可後學追維先大夫一經之遺不勝手
澤如存之痛爰加蒐訂質之伯氏以爲可遂付剞劂自
問樛昧之胷定遠遜原注之精審特借以自課用備巾
箱之遺忘俾鄉塾史乘未備者咸易講肄焉是則區區
之意也夫

乾隆四十八年癸卯三月望仁和後學金三俊謹識

遼宣政殿學士李瀚撰蒙求一篇舊注多踈略余友金君源醴爲之補注攷覈精審徵引該博見者比諸王厚齋之補注急就篇焉瀚仕遼嘗謀南還見穆宗紀宋史附見李濤傳後瀚或作澣實一人也遼人重文學瀚謀歸不果始終以詞翰見重於時篇中類舉古人而終於鮑照篇翰陳琳書檄殆以自寓歟遼人撰著流傳後世者不多觀而此書與龍龕手鏡同爲小學家所取資瀚有丁年集今亦失傳而此書因源醴之補注而顯然則書之顯晦固有時哉是爲序姚江邵晉涵撰

例言

一作者於五代史無傳惟全唐詩稱後唐天成中登第仕晉爲翰林學士揮塵後錄則云爲晉內相後仕契丹通顯顧所終官職未詳標目頗難稱舉考困學紀聞諸書徵引皆曰李瀚蒙求今易以李氏亦賢者名不可斥之義也至舊注失傳題目補注以誌是因非創云爾

一 是編自全唐詩外絕少別本附唐詩者通作一卷按晁氏讀書後志云分三卷今已無考竊以意推測並合之王伯厚尙書所表彰似當以平仄遞韻者爲兩卷四聲轉韻者爲一卷茲因增注篇幅繁

凡例

富更析爲六仍依四聲起止云

一 是編旣無古本可校寧免承譌雖傳有俞氏注本然踏駁殊甚頗似偽託聊取節焉間有異同俱照正史引釋仍於標題本字

下注明以資考証唯五卷中讓果坐滿二事舊並冠以孔融複舉而偏體例未符或係作者偶失檢處今於讓果改稱字并易姜被焉

一 古人本傳連篇採注祇取一節就事摘錄難盡斐然謹俱縮爲小傳庶綉繹前後略見生平第斷鶴續鳧注家所謂今不論詳略槩從正史本文不敢增潤一字其有似涉繁冗者職是之故讀者諒之一數典多屬細行而大德尤足觀人注於忠孝廉節

諸大端雖與本事無關皆据史傳一著之以增
景仰其或好回酷暴者亦載其不克令終以符作
者勸懲之旨

一事因類對固出作者匠心間有僂舉本乎前人及
摘字別有出處者仍於篇末原所自始式彰曩哲
稽古之勤第譎陋殊多茫昧舉一尙待反三至其
運典之中如開卷一聯祇須引裴傳數言已見大
意無取繁稱徒滋挂漏餘皆倣此

一五季迄今載籍闕逸既多傳記同異尤雜其有正
史不載他說無徵或本事不甚相符或前志相沿
多舛者輒就管闕所及加按數語用資考訂間有
一二未詳不敏傳會所冀 豐博之彥共指迷焉

凡例

二

李氏蒙求總目

卷一

王戎簡要 裴楷清迥 孔明臥龍 呂望非熊

楊震開西 丁寬易東 謝安高潔 王導公忠

匡衡鑿壁 孫敬閉戶 鄧都蒼鷹 宿成乳虎

周嵩狼抗 梁冀跋扈 郗超髻參 王珣短簿

伏波標柱 博望尋河 李陵初詩 田橫感歌

武仲不休 士衡患多 桓譚非讖 王商止詛

稽呂命鴛 程孔傾蓋 劇孟一敵 周處三害

胡廣補闕 袁安倚賴 黃霸政殊 梁習治最

墨子悲絲 楊朱泣歧 朱博鳥集 蕭芝雉隨

杜后生齒 靈王出髭 賈謂忌鵬 莊周畏犧

燕昭築臺 鄭莊置驛 雍靖二妙 岳繼連壁

卻詭一枝 戴憑重席 鄒陽長裾 王符縫掖

鳴鶴日下 士龍雲間 晉宣狼顧 漢祖龍顏

鮑靚記井 羊祜識環 仲容青雲 叔夜玉山

毛義捧檄 子路負木 江革虫全 王覽度郭

蕭何定律 叔孫制禮 葛豐刺舉 息躬慙笑

管寧割席 和嶠專董 時薨王饋 羊續懸魚

樊繪排闥 辛毗引居 孫楚激石 郝隆曬書

枚舉詣闕 充國會寶 王衍風鑑 許劭月旦

賀循儒宗 孫綽才冠 太叔蒞給 仲治辭翰

總目

出濤識量 毛玠公方 奚益劄座 鶴璫撫林

于公高門 曹參趣裝 庶女振風 邠衍降霜

范丹生塵 晏嬰脫粟 詰於興魏 籠靈王蜀

不疑誣金 卞和泣玉 檀卿沐猴 謝尚鵲鷓

卷二

泰初日月 季野陽秋 荀陳德星 李郭仙舟

王忱繡被 張氏銅鈎 丁公遽戮 雍齒先侯

陳雷膠漆 范張雞黍 涓侯山嶷 會稽震舉

季布一諾 阮瞻三語 郭文遊山 袁宏泊渚

黃琬對日 秦宓論天 孟軻養素 揚雄草元

向秀聞笛 伯牙絕絃 郭槐自屈 南郡猶隣

總目

魯恭馴雉 宋均去獸 廣客蛇影 殷師牛鬪

元禮模楷 季彥領 魯褒錢神 崔烈銅臭

果疎廟食 趙溫雄飛 校乘蒲輪 鄭均白衣

陵母伏劍 孟親斷機 齊后破環 謝女解圍

鑿齒尺牘 荀勗音律 胡威問絹 陸績懷橘

羅含吞鳥 江淹夢筆 李廞清貞 劉麟高率

蔣詡三徑 許可一瓢 楊僕移關 杜預建橋

壽王議鼎 杜林駭堯 西施捧心 孫壽折腰

靈輒扶輪 魏顥結草 可州傾寫 平子絕倒

滄臺毀壁 子罕辭寶 果平為善 司馬稱好

公超霧市 魯毀雲梯 田單火牛 江迥夔雞

蔡裔殲盜

張遼止啼

陳平多轍

李廣成蹊

陳遵投轄

山簡倒載

淵客泣珠

交甫解珮

龔勝不屈

孫寶自劾

呂安題鳳

子猷訪戴

董宣疆項

翟璜直言

紀昌貫虱

養山號猿

馮衍歸里

張昭塞門

蘇韶鬼靈

盧充幽媾

震畏四知

秉去三惑

柳下直道

叔敖陰德

張湯巧詆

杜周深刻

三王尹京

三飽糾慝

卷三

孫康映雪

車允囊螢

李充四部

井春五經

谷永筆札

顧愷丹青

戴逵被琴

謝敷應星

阮修杖頭

畢卓甕下

文伯羞鼈

孟宗寄鮓

總目

史丹青蒲

張湛白馬

隱之威鄰

王脩數社

阮放八鶴

江泉四凶

華歆忤旨

陳羣憾容

王濬懸刀

丁固生松

姜維膽斗

盧植音鐘

桓溫奇骨

鄧艾大志

楊脩捷對

羅友默記

杜康造酒

蒼頡制字

穉里智囊

邊韶經笥

滕公佳城

王果石崖

賈妻取醢

澤室犯齋

馬后大練

孟光荆釵

顏叔秉燭

宋宏不諧

鄧通銅山

郭況金穴

秦彭攀轅

侯霸卧轍

淳于炙輠

彥國吐屑

太真玉臺

武子金瑀

巫馬戴星

宓賤彈琴

郝廉留錢

雷義卻金

逢萌挂冠

胡昭投簪

王喬雙鳧

華陀五禽

程邈隸書 史籀大篆 王承魚盜 丙吉牛喘

賈琮褰帷 郭賀露冕 馮媛當熊 班女辭輦

王充闕市 董生下帷 平叔傅粉 宏治凝脂

楊生黃雀 毛子白龜 宿瘤採桑 漆室憂葵

韋賢滿籬 夏侯拾芥 阮簡曠達 袁耽俊邁

蘇武持節 鄭眾不拜 郭巨將坑 董承自賣

仲連蹈海 范蠡泛湖 文寶緝柳 溫舒截蒲

伯道無兒 稽紹不孤 綠珠墜樓 文君當壚

伊尹負鼎 甯戚叩角 趙壹坎壈 顏馴蹇剝

龔遂勸農 文翁興學 晏御揚揚 五鹿嶽嶽

卷四

總目

四

蕭朱結綬 王貢彈冠 龐統展驥 仇覽棲鸞

葛亮顧慮 韓信升壇 王哀拍慘 閔損衣單

蒙恬製筆 蔡倫造紙 子思緇袍 祭遵布襪

周公握髮 蔡邕倒屣 王敦傾室 紀瞻出伎

暴勝持斧 張綱埋輪 靈運曲笠 林宗折巾

屈原澤畔 漁父江濱 魏勃埽門 潘岳望塵

京房推律 翼奉觀性 甘寧奢侈 陸凱貴盛

千木富義 於陵辭聘 元凱傳癖 伯英草聖

馮異大樹 千秋小車 漂母進食 孫鍾設瓜

壺公謫天 勸訓歷家 劉元刮席 晉惠聞墓

伊籍一拜 鄭生長揖 馬安四至 應喙三入

郭解借交

朱家脫急

虞延剋期

盛吉垂泣

豫讓吞炭

鉅鹿觸槐

阮孚蠟屐

祖約好財

初平起石

左慈擲杯

武陵桃源

劉阮天台

王儉墜車

褚淵落水

季倫錦障

春中珠履

甄后出拜

劉楨平視

胡嬪爭墻

晉武傷指

石慶數馬

孔光溫樹

翟湯隱操

許詢勝具

優旃滑稽

落下厯數

曼容自免

子平畢娶

師曠清耳

離婁明目

仲文照鏡

臨江折軸

樂巴嘔酒

偃師舞木

德潤備書

君平賣卜

叔寶玉潤

彥輔冰清

衛后髮鬢

飛燕體輕

元石沉酒

劉伶解醒

趙勝謝壁

楚莊絕纓

總目

惡來多力

飛廉善走

趙孟疵面

田駢天口

張憑理窟

裴頴談數

仲宣獨步

子建入斗

廣漢釣距

宏羊心計

喬青拜幕

去病辭第

鄧寄賣友

紀信詐帝

濟叔不癡

周兄無慧

虞卿擔簦

蘇章負笈

南風擲孕

商受斷涉

廣德從橋

君章拒獵

應奉五行

安世三篋

卷五

相如題柱

終軍棄繻

孫晨蒙席

原憲桑樞

端木辭金

鍾離委珠

季札挂劍

徐穉攻芻

朱雲折檻

申屠斷缺

衛玠羊車

王恭鶴氅

管仲隨馬

倉舒稱象

丁蘭刻木

伯俞泣杖

陳達豪爽

田方簡傲

黃向訪主

陳寔遺盜

龐儉鑿井

陰方祀竈

韓壽竊香

王濛市惜

句踐投膠

陸抗嘗藥

孔愉放龜

張顛墮鵲

田豫儉素

李恂清約

義縱攻剽

周陽暴虐

孟陽擲瓦

賈氏如臯

顏回箪瓢

仲蔚蓬蒿

糜竺收資

桓景登高

雷煥送劍

呂虔佩刀

老萊斑衣

黃香扇枕

王祥守柩

蔡順分棹

淮南食時

左思十稔

劉惔傾釀

孝伯痛飲

女媧補天

長房縮地

季珪土首

長孺國器

陸玩無人

賈詡非次

何晏神伏

郭奕心醉

常林帶經

高鳳漂麥

孟嘉落帽

庾敬墮幘

總目

六

龍逢版出

張華台圻

董奉活變

扁鵲起號

寇恂借一

何武去思

韓子孤憤

梁鴻五噫

蔡琰辨琴

王粲覆棊

西門投巫

何謙焚祠

孟嘗還珠

劉昆反火

伯淮共被

文舉讓果

端康相代

亮陟隔座

趙倫鷓怪

梁孝牛旣

桓典避馬

王尊叱馭

鼂錯附直

趙禹廉倨

亮遺巾幘

備失匕首

張翰適意

陶潛歸去

魏儲南館

漢相東閣

楚元置醴

陳蕃下榻

廣利泉湧

王霸冰合

孔融坐滿

鄭崇門雜

卷六

張堪折轅

周鎮漏船

郭伋竹馬

劉寬蒲鞭

許史侯盛 韋平相延 雍伯種玉 黃尋飛錢

王允千里 黃憲萬頃 虞嬰才望 戴淵鋒穎

史魚黜殯 子囊城郢 戴封積薪 耿恭拜井

汲黯開倉 馮驩折券 齊景馴于 何曾食萬

顧榮錫炙 田文比飯 稚珪蛙鳴 彥倫鶴怨

廉頗負荆 須賈擢髮 孔翅絕書 申嘉私謁

淵明把菊 眞長望月 子房取履 釋之結轡

郭丹約關 祖逖誓江 賈逵問事 許慎無雙

婁敬和親 白起坑降 蕭史鳳臺 宋宗雞窗

王陽囊衣 焉援薏苡 劉整交質 五倫十起

張敞畫眉 謝鯤折齒 盛彥感蠮 姜詩躍鯉

總目

宗資主諸 成瑨坐嘯 伯成辭耕 嚴陵去釣

董遇三餘 譙周獨笑 蔣閭仰天 王凌呼廟

二疏散金 陸賈分橐 慈明八龍 禰衡一鷄

不占隕車 子雲投閣 魏舒堂堂 周舍諤謬

無鹽如漆 姑射若冰 邾子投火 王思怒蠅

苻朗皁白 易牙溜灑 周勃織薄 灌嬰販綰

馬良白眉 阮籍青眼 黥布開關 張良燒棧

陳遺飯感 陶侃酒限 楚昭萍實 束皙竹簡

曼倩三冬 陳思七步 劉寵一錢 廉范五袴

范毓字孤 祁鑿吐哺 苻弟轉醉 嚴母結墓

安籍斷水 陳泰挂壁 王述忿狷 荀粲感弱

朱汝愚謹

敬書猶精

鮑照篇翰

陳琳書檄

浩浩萬古

一不可備甄

芟繁推華

爾曹勉旃

總目

李氏蒙求總目

終

八

是編劖劂既竣適得明萬厯初吳門顧氏重刊宋狀元
徐子光注本驚喜循誦如獲枕秘因按臆注之未詳及
參異者咸摘錄於左以資訂正焉其書分上中下三卷
卷上謝敷應星句止
卷中安世三箇句止
與書錄解題所載卷數相合顧直
齋又稱徐氏補注八卷則其分合之故爲不可知已至
作者主名厯考宋人諸書皆作瀚無作翰者卽書錄解
題稱唐李瀚特未晰言爲後唐耳考新唐書藝文志載
王範續蒙求白延翰唐蒙求各三卷是編果翰所撰則
當宋世盛行之日歐公修志寧獨削之今顧氏序稱作
者舉奕寶進士官翰林學士父華弟觀並以文章擅名
二云是直以贊皇李翰當之按舊書稱華宗人翰新書
亦第稱宗子翰從子觀是世系已皆不合卽此可證其
臆度矣歲之陽月元李氏又識

蒙求補注考證

一

卷一

江革忠孝 徐注亦引巨孝

太叔辯給仲治辭翰 徐本標題與全唐詩同而注賦

本傳作字仲治

卷二

孟軻養素 徐注引本傳外兼載養氣語

卷三

江泉四凶 徐本泉作泉按字典泉字注古文暨字並

不徵引人名殆傳寫誤也

阮簡曠達

徐引舊注竹林七賢論阮簡咸之從子亦以曠達因居父喪行遇大雪寒凍遂詣浚儀令令爲他賓設黍簡食之以致清議廢頓幾二十年

卷四

田駢天口

徐引舊注七略田駢齊人好談放時號曰天口開言其口如天不可窮也

子建八斗

按康樂緒論宋書與南史本傳俱不載博稽羣籍都無確据唯子史精華文學部徵於釋常談謹遵用之徐引舊注與近世類書所載略同顧亦不詳所本也

卷五

蒙求補注考證

一一

端木辭金

家語魯國之法魯人有贖臣妾於諸侯者皆取金於府子貢贖人於諸侯而還其金孔子聞之曰賜失之矣夫聖人之舉事也可以移風易俗而教導可以施於百姓非獨適身之行也今魯國富者寡而貧者衆贖人受金則爲不廉則何以相贖乎自今以後魯人不復贖人於諸侯

此條依徐注改正

徐穉致芻

徐本致作置

申屠斷鞅

徐注引本傳略同按左傳齊太子光斷鞅止公與剛軻輪事相類此蓋借用非別有所出也

黃向訪主

謝承後漢書豫章黃向晨步路中得珠琪一囊可直三百餘萬求主還之主以半物謝向向委

去不顧

見後漢書補逸

按徐引舊注略同並錄以備參考

黃香扇枕

東觀漢記黃香字文疆父況舉孝廉爲郡

五官貧無奴僕香躬執勤苦盡心供養冬無被袴而

親極滋味暑卽扇枕寒卽以身溫席

見後漢書補逸

按徐注

引陶淵明語所稱略同而有香九歲失母思慕骨立

又和帝嘉之特加異賜云云顧亦未詳所本兼錄之

以俟參考

何謙焚祠

徐注晉書何謙字恭子東海人從謝元征

伐驍果多權略舊注云謙不畏神祠遇有靈廟皆焚

之按謙戰功附見謝元傳其焚祠事未詳所本

卷六

蒙求補注考證

三

浩浩萬古不可備甄麥繁摭華爾曹勉旃

注顧文多闕誤義轉晦澀今概省之

李氏蒙求補注卷一

後學仁和金三俊元李軾

王戎簡要裴楷清通

晉書裴秀傳從弟楷明悟有識量少與王戎齊名鍾會薦之文帝辟相國掾遷尙書郎吏部郎闕帝問其人於會會曰裴楷清通王戎簡要皆其選也於是以楷爲吏部郎

孔明臥龍呂望非熊

蜀志諸葛亮傳亮字孔明瑯琊人漢司隸校尉豐之後也躬耕隴畝好爲梁父吟每自比於管仲樂毅時人莫之許也唯博陵崔州平潁川徐元直與友善謂

李氏蒙求補注卷一

一

爲信然時先主屯新野徐庶見先主曰諸葛孔明者臥龍也將軍豈願見之乎先主曰君與俱來庶曰此人可就見不可屈致也將軍宜枉駕顧之先主遂詣亮凡三往乃見宋書符瑞志周文王將畋史編卜之曰將大獲非熊非羆天遺汝師王至磻谿之水呂尙釣於涯王下趨拜曰望公七年乃今見光景於斯甫立變名答曰望釣得玉璫其文要曰姬受命昌來提撰爾雜鈐報在齊文王沒武王伐紂勝之乃封呂望於齊按遷史無非熊字故引沈書然据文選答賓戲周望兆動於渭濱句李善注引史記則云非熊非羆又後漢書崔駰傳載達旨漁父見兆於元龜句章

懷注引史記亦作非熊非羆頗疑古本遷史正作非熊耳

楊震關西丁寬易東

後漢書楊震傳震字伯起華陰人少好學受歐陽尚書於太常桓郁明經博覽無不窮究諸儒爲之語曰關西孔子楊伯起漢書儒林傳丁寬梁人初梁項生從田何受易時寬爲項生從者讀易精斂材過項生遂事何學成寬東歸何謂門人曰易以東矣

謝安高潔王導公忠

按二公勲德備載本傳非可縷述李氏對舉當別有所本正如王戎簡要山濤識量等句之例故未敢泛

李氏家乘補注卷一

二

爲鋪據

匡衡鑿壁孫敬閉戶

西京雜記匡衡勤學而無燭鄰舍有燭而不逮乃穿壁引其光以書映光而讀之詳卷三文寶緝柳注

鄧都蒼鷹甯成乳虎

史記酷吏傳鄧都楊人孝景時拜濟南太守歲餘郡不拾遺遷爲中尉獨先嚴酷致行法不避貴戚列侯宗室見都側目而視號曰蒼鷹又寧注一作甯成獲人

以取謁者事景帝稍遷濟南都尉而鄧都爲守前都尉皆步人府諷守如縣令及成往直陵都出其上都素聞其聲於是善遇與結驢都死上召成爲中尉其

治效都其廉弗如外戚毀之抵罪髡鉗會赦家居上拜爲關都尉歲餘關東號曰寧見乳虎無值寧成之怒

周嵩狼抗梁冀跋扈

世說周伯仁釋名別顯母冬至舉酒賜三子曰吾本

謂度江托足無所爾家有相爾等並羅列吾前復何

憂周嵩起長跪而泣曰不如阿母言伯仁爲人志大

而才短名重而識闇好乘人之弊此非自全之道嵩

性狼抗亦不容於世惟阿奴釋名別顯碌碌當在阿

母目下耳後漢書梁冀傳父商薨順帝拜冀爲大

將軍及帝崩冲帝始在繼祿太后臨朝詔冀錄尚書

李氏家乘補注卷一

三

事冀雖辭而侈暴滋甚冲帝又崩冀立質帝帝少而

聰慧知冀驕橫嘗朝羣臣目冀曰此跋扈將軍也冀

聞深惡之遂令左右進鴆加煮餓帝即日崩復立桓

帝

郗超髡參王珣短簿

晉書郗鑒傳孫超少卓犖不羈有曠世之度桓温辟

爲掾轉參軍温英氣高邁罕有所推與超言常謂不

能測遂傾意禮待超亦深自結納時王珣爲温主簿

亦爲温所重府中語曰髡參軍短主簿能令公喜能

令公怒超髡珣短故也

伏波標柱博望尋河

後漢書馬援傳交阯女子徵側徵貳反攻沒其郡九
真日南合浦蠻夷皆應之璽書拜援伏波將軍督樓
船將軍等南擊交阯斬徵側徵貳傳首洛陽援將樓
船戰士二萬餘人擊九真賊斬獲五千餘人嶠南悉
平注援到交阯立銅柱爲漢之極界漢書張騫傳
建元中爲郎應募使月氏徑匈奴單于留騫十餘歲
亡歸漢爲天子言通大夏事西南夷乃封騫爲博望
侯按騫屢使絕域鑿空黠武然未嘗有尋河之役本
傳載漢使窮河源多采玉石及贊稱自張騫使大夏
之後窮河源云云詳釋前後文義皆別有使者非卽
騫也而梁宗懔荆楚歲時記始有張騫乘槎之說杜
詩亦有乘槎消息斷何處覓張騫之句則知六朝以
還已誤作博望侯事矣

李氏蒙求補注卷一

四

李陵初

俞本作別

詩田橫感歌

鍾嶸詩品遠漢李陵始著五言之目史記佞幸傳李
延年善歌上方興天地祠欲造樂詩歌弦之延年承
意苾次初詩索隱曰初詩卽新造樂章此初詩二字
所本史記田橫傳注薤露蒿里送哀歌也出田橫
門人橫自殺門人傷之而作悲歌言人命如薤上露
易晞滅按俞注上句引陵與蘇武訣別之歌較與木
句相類

武仲不休士衡患多

魏文帝典論文人相輕自古而然傳教之於班固伯仲之間耳而固小之與弟超書曰武仲以能屬文爲蘭臺令史下筆不能自休夫人闇於自見而文非一體鮮能備善是以各以所長相輕所短里語曰家有弊帚享之千金斯不自見之患也晉書陸機傳機字士衡吳郡人文章冠世辭藻宏麗張華嘗謂之日人之爲文常恨才少而子更患其多

桓譚非讖王商止訛

後漢書桓譚傳譚沛國人父成帝時爲太樂令譚以父任爲郎博學多通徧習五經皆詁訓大義不爲章句當王莽居攝之際天下士褒稱德美作符命以求

李氏蒙求補注卷

五

容媚譚獨自守默然無言世祖卽位大司空宋宏薦譚拜議郎給事中時帝方信讖多以決定嫌疑譚疏諫帝不悅後詔會議靈臺所處帝謂譚曰吾欲以讖決之何如譚默然良久曰臣不讀讖帝問其故譚復極言讖之非經帝大怒曰桓譚非聖無法將下斬之良久乃解漢書王商傳商蠡吾人少爲中庶子以肅敬敦厚稱元帝時至右將軍成帝卽位徙左將軍建始三年秋京師民無故相驚言大水至長安中大亂天子親御前殿召公卿議大將軍鳳以爲太后與上及後宮可御船令吏民上城以避水羣臣皆從鳳議商獨曰自古無道之國水猶不冒城郭今政治和

平何因當有大水二日暴至此必訛言也不宜令上
城重驚百姓上迺止有頃稍定問之果訛言鳳大懶
嵇呂命駕程孔傾蓋

晉書嵇康傳康遠邁不羣恬靜寡慾所與禰交者惟
陳留阮籍河內山濤豫其流者河內向秀沛國劉伶
籍兄子咸琅邪王戎遂爲竹林之遊世所謂竹林七
賢也東平呂安服康高致每一相思輒千里命駕康
友而善之家語孔子之郊遭程子於塗傾蓋而語
終日顧謂子路曰取束帛以贈先生子路屑然對曰
由聞之士不中間見女嫁無媒君子不以交禮也有
間又顧謂子路子路又對如初孔子曰由詩不云乎
有美一人清揚婉兮邂逅相遇適我願兮今程子天
下賢士也於斯不贈則終身不能見也小子行之

李氏蒙求補注卷一

六

劇孟一敵周處三害

史記游俠傳雒陽劇孟以任俠顯諸侯吳楚反條侯
爲太尉將至河南得劇孟喜曰吳楚舉大事而不求
孟吾知其無能爲矣天下騷動宰相得之若得一敵
國云晉書周處傳處陽羨人膂力絕人不修細行
縱情肆慾州曲患之處自知爲人所惡乃慨然有改
勵之志謂父老曰今時和歲豐何苦而不樂耶父老
歎曰三害未除何樂之有處曰何謂也答曰南山白
額猛虎長橋下蛟并子爲三矣處乃入山射殺猛虎

投水搏蛟蛟或沉或浮行數十里處與之俱經三日
夜人謂死皆相慶賀處果殺蛟而反聞鄉里相慶始
知人患己之甚遂勵志好學克已期年州府交辟

胡廣補闕袁安倚賴

後漢書胡廣傳廣字伯始華容人舉孝廉試章奏爲
天下第一拜尙書郎五遷僕射漢安元年遷司徒延
熹九年復拜司徒錄尙書事性溫柔謹素常遜言恭
色達練事體明解朝章雖無譽直之風屢有補闕之
志京師諺曰萬事不理問伯始天下中庸有胡公

又袁安傳安汝陽人舉孝廉除陰平長章和元年爲
司徒和帝卽位竇太后臨朝后兄車騎將軍憲北擊

李氏蒙求補注卷一

七

匈奴安與司空任隗固爭不聽憲旣出而弟衛尉篤
執金吾景各專威權憲景等日益橫盡樹其親黨賓
客於名都大郡安與隗舉奏貶秩免官者四十餘人
竇氏大恨但安隗素行高亦未有以害之安以天子
幼弱外戚擅權每朝會進見及與公卿言國家事未
嘗不噫鳴流淚自天子又大臣皆恃賴之

黃霸政殊梁習治最

漢書循吏傳黃霸陽夏人少學律令喜爲吏補左馮
翊卒史察廉爲河南太守丞擢揚州刺史三歲宣帝
下詔以賢良高第揚州刺史霸爲潁川太守秩比二
千石賜車蓋特高一丈別駕主簿車緹前屏泥於軾

前以章有德霸以外寬內明得吏民心戶口歲增治
爲天下第一是時鳳皇神爵數集郡國潁川尤多天
子下詔稱揚賜爵關內侯後數月徵爲太子太傅遷
御史大夫五鳳三年代丙吉爲丞相魏志梁習傳
習陳郡人爲郡綱紀太祖辟爲漳長遷并州刺史勤
勸農桑令行禁止長老稱詠以爲自所聞識刺史未
有及習者文帝踐阼復爲刺史政治常爲天下最徵
拜大司農

墨子悲絲楊朱泣歧

墨子子墨子見染絲者而歎曰染於蒼則蒼染於黃
則黃所入者變其色亦變故染不可不慎也列子

李氏蒙求補注卷一

八

楊子之鄰人亡羊既率其黨又請楊子之豎追之楊
子曰嘻亡一羊何追者之衆鄰人曰多歧路既反問
獲羊乎曰亡之矣曰奚亡之曰歧路之中又有歧焉
吾不知所以反也楊子戚然變容不言者移時
不笑者竟日阮籍詠懷詩楊朱泣歧路墨子悲染絲

朱博烏集蕭芝雉隨

漢書朱博傳博杜陵人少給事縣爲亭長稍遷功曹
舉樅陽令哀帝卽位遷京兆尹超爲大司空初成帝
時何武言宜建三公官上以御史大夫爲大司空是
時御史府吏舍百餘區井水皆竭又府中列柏樹常
有烏數千棲宿其上晨去暮來號朝夕烏烏去不來

者數月。長老異之。後二歲餘。博爲大司空。奏復置御史大夫。乃更拜博爲御史大夫。蕭廣濟孝子。傳蕭芝至孝。除尚書郎。有雉數十頭。欲啄宿止。當上直。送至歧路。下直及門。飛鳴車側。按本事。見太平御覽。九百十七羽族部。特未詳爲何時人。近世類書。乃誤以爲蕭望之事。

林后生齒靈王出髭

晉書。后妃傳。成恭杜皇后。諱陵陽鎮南將軍預之曾孫。咸康二年。拜爲皇后。后少有姿色。然長猶無齒。求婚者輒中止。及帝納采之日。一夜齒盡生。左傳。昭公二十六年。王子朝告諸侯曰。至于靈王。生有髭。

李氏蒙齋注卷一

九

王甚神聖。無惡於諸侯。

賈誼忌鵬莊周畏犧

史記。賈生傳。賈生名誼。雒陽人。文帝召爲博士。一歲中。至太中大夫。天子議以任公卿之位。絳灌之屬害之。天子以爲長沙王太傅。二年。有鴛飛入舍。楚人命鴛曰服。賈生旣以適居長沙。長沙卑溼。自以爲壽。不得長。傷悼之。乃爲賦以自廣。太平御覽。九百二十七引。太常孔臧。鴛賦曰。昔在賈生。有識之士。忌此鵬焉。卒以喪已。此忌鵬二字所本。史記。莊周傳。楚威王使厚幣迎以爲相。周謂使者曰。子不見郊祭之犧牛乎。養食之數歲。被以文繡。以入太廟。當是之時。雖欲

爲孤豚豈可得乎于巫去無汚我班固幽通賦抗爽
言以矯情兮信畏犧而忌臙

燕昭築臺鄭莊置驛

逆異記燕昭王爲郭隗築臺今在幽州燕王故城中
土人呼賢士臺亦爲招賢臺 史記鄭當時傳當時
名莊陳人以任俠自喜聲聞梁楚間孝景時爲太子
舍人每五日洗沐常置驛馬長安諸刻存諸故人請
謝賓客夜以繼日常恐不徧

瓘靖二妙岳湛連璧

晉書衛瓘傳瓘安邑人至孝過人性真靜有名理以
明識清允稱爲魏尚書郎咸寧初拜尚書令瓘學問
深博明習文藝與尚書郎敦煌索靖俱善草書時號

李氏蒙菴注卷一

十

一臺二妙 又夏侯湛傳湛譙人幼有盛才文章宏
富而美容觀與潘岳友善每行止同輿接茵京都謂
之連璧

卻詵一枝戴憑重席

晉書卻詵傳詵單父人博學多才泰始中詔舉賢良
直言之士太守舉詵應選以對策上策拜議郎累遷
雍州刺史武帝於東堂會送問詵曰卿自以爲何如
對曰臣舉賢良對策爲天下第一猶桂林之一枝崑
山之片玉帝笑侍中奏免詵官帝曰吾與之戲耳不
足怪也 後漢書儒林傳戴憑平輿人習京氏易郡

舉明經徵試博士拜郎中時詔公卿大會羣臣皆就
席憑獨立光武問其意憑對曰博士說經皆不如臣
而坐居臣上是以不得就席帝卽召上殿令與諸儒
難說憑多所解釋帝善之拜爲侍中正旦朝賀百僚
畢會帝令羣臣能說經者更相詰難義有不通輒奪
其席以盍通者憑遂重坐五十餘席京師爲之語曰
解經不窮戴侍中

鄒陽長裾王符縫掖

鄒陽上吳王書臣聞蛟龍驤首奮翼則浮雲出流霧
雨咸集聖王底節修德則游談之士歸義思名今臣
盡智畢議易精極慮則何國不可奸餘固陋之心則

李氏蒙求補注卷一

士

何王之門不可曳長裾乎然臣所以歷數王之朝昔
淮千里而自致者非惡臣國而樂吳民竊高下風之
行尤說大王之義故願大王無忽察聽其志後漢
書王符傳符安定人少好學有志操自和安之後世
務游宦當塗者更相薦引而符獨耿介不同於俗遂
不得升進志意蘊憤隱居著潛夫論後度遼將軍皇
甫規解官歸安定鄉人有以貨得雁門太守者亦去
職還家謁規規卧不迎旣入問卿前在郡食雁美乎
有頃又自王符在門規驚遽而起衣不及帶屣履出
迎援符手同坐極歡時人爲之語曰徒見二千石不
如一縫掖言書生道義之爲貴也

鳴鶴日下士龍雲間

晉書陸機傳弟雲字士龍六歲能屬文少與兄機齊名號日二陸雲與荀隱素未相識嘗會張華坐華日今日相遇可勿爲常談雲因抗手曰雲間陸士龍隱日日下荀鳴鶴鳴鶴隱字也

晉宣狼顧漢祖龍顏

晉書宣帝紀帝猜忌多權變魏武察帝有雄豪志聞有狼顧相必驗之乃召使前行令反顧面正向後而身不動史記高祖紀高祖父曰太公母劉媪媪嘗息大澤之陂夢與神遇時雷電晦冥太公往視則見蛟龍於其上已而有身遂產高祖高祖爲人隆準而龍顏美鬚髯左股有七十二黑子

李氏蒙來補注卷一

七

鮑靚記并羊祜識環

晉書藝術傳鮑靚東海人年五歲語父母云本是曲陽李家兒九歲墜井死其父母尋訪得李氏推問皆符驗又羊祜傳祜年五歲時令乳母取所弄金環乳母曰汝先無此物祜卽詣鄰人李氏東垣桑樹中探得之主人驚曰此吾亡兒所失物也云何持去乳母具言之李氏悲惋時人異之謂李氏子則祜之前身也

仲容青雲叔夜玉山

顏延之五君談仲容阮咸青雲器實稟生民秀世

說嵇康身長七尺八寸風姿特秀山公釋名山嵇亦稱山公曰

嵇叔夜也康字之爲人也巖巖若孤松之獨立其醉也

愧俄若玉山之將頽

毛義捧檄子路負米

後漢書劉平等傳序廬江毛義家貧以孝義稱南陽

張奉慕其名往候之府檄適至以義守令義奉檄而

入喜動顏色奉志尚士也心賤之自恨來固辭而去

及義母死去官行服後舉賢良公車徵遂不至奉歎

曰賢者固不可測注生曰之喜乃爲親屈也家語子

路見於孔子曰由事二親之時常食藜藿之實爲親

負米百里之外親沒之後南遊於楚從車百乘積粟

李氏蒙求補注卷一

三

萬鍾累細而坐列鼎而食願食藜藿爲親負米之時

不可復得也孔子曰由也事親可謂生盡力死盡思

者也

江革忠孝王覽友弟

南史江革傳革考城人幼而聰敏十六喪母以孝聞

弱冠舉秀才歷鎮北豫章王府長史隨府王鎮彭城

途經下邳爲魏人所執徐州刺史安豐王延明聞革

才名厚加接待革稱腳疾不拜延明將害之見革辭

色嚴正更加敬重令作丈八寺碑并祭彭祖文革辭

以囚執既久無復心思延明將加箠扑革厲色曰江

革年六十不能殺身報主今日得死爲幸誓不爲人

執筆延明知不可屈乃止後放革還朝上武帝大宴

舉酒勸革曰今日始見蘇武之節按宋王濂野客叢

書嘗辨諸家注此盡引後漢江革是江巨孝非忠孝

也自當屬梁江革乃兼忠孝二事云云今據其說且

以徵是編早經有注并非止一家今槩失傳耳晉

書王祥傳弟覽母朱遇祥無道覽數歲見祥被楚撻

輒涕泣抱持至成童每諫其母少止凶虐朱屢以非

理使祥覽輒與祥俱又虐使祥妻覽妻亦趨共之朱

患之乃止祥喪父後漸有時譽朱疾之密醜祥覽知

之徑起取酒祥疑有毒爭而不與朱遽奪反之後朱

賜祥饌覽輒先嘗朱懼覽致斃遂止覽孝友恭恪名

李氏蒙求補注卷一

十四

亞於祥

蕭何定律叔孫制禮

漢書高祖紀天下既定命蕭何定律令韓信申軍法

張蒼定章程叔孫通制禮儀

葛豐刺舉息躬歷詆

漢書諸葛豐傳豐琅琊人以明經爲郡文學名特立

剛直舉侍御史擢司隸校尉刺舉無所避侍中許章

以外屬貴幸奢淫不奉法賓客犯事與章相連豐案

劾章欲奏其事適許侍中私出豐駐車舉節詔章曰

下欲收之章窘馳去豐追之許侍中因得入宮門自

歸上豐亦上奏於是收豐節司隸去節自豐始又

息夫躬傳躬河陽人哀帝初后父孔鄉侯傳晏與躬同郡相友善躬以爲援長安孫寵亦與躬相結俱上書召待詔人有告中山太后祝詛躬與寵謀上變告案驗東平王后等皆坐誅上擢躬光祿大夫給事中封宜陵侯躬既親近數進見言事論議亡所避衆畏其口見之仄目躬上疏歷詆公卿大臣董賢貴幸日盛丁傳害其寵晏與躬謀居位輔政賢沮之收晏印綬免躬寵官遣就國人有上書言躬懷怨恨與巫同祝詛逮繫詔獄死

管寧割席和嶠專車

世說管寧華歆共園中鋤菜見地有片金管揮鋤與

李氏蒙齋補注卷

五

瓦石不異華捉而擲去之又嘗同席讀書有乘軒冕過門者寧讀如故歆廢書出看寧割席分坐曰子非吾友也晉書和嶠傳嶠字長輿西平人少有風格有盛名於世起家太子舍人累遷中書令帝深器遇之舊監令共車入朝時苟勗爲監嶠鄙勗爲人以意氣加之每同乘高抗專車而坐乃使監令異車自嶠始也

時苗留犢羊續懸魚

魏志常林傳法時苗爲壽春令始之官乘薄輦車黃犢牛布被囊居歲餘牛生一犢及去留其犢謂主簿曰令來時本無此犢犢是淮南所生有也羣吏曰六

畜不識父自當隨母苗不聽後漢書羊續傳續太
山平陽人中平三年拜南陽太守時權豪之家多尚
奢麗續深疾之常敝衣薄食車馬羸敝府丞嘗獻生
魚續受而懸於庭後又進之續乃出前所懸者以杜
其意

樊噲排闥辛毗引裾

史記樊噲傳黥布反時高祖嘗病惡見人卧禁中言
戶者無得入羣臣絳灌等莫敢入十餘日噲乃排闥
直入大臣隨之上獨枕一宦者卧噲流涕曰始陛下
與臣等起豐沛定天下何其壯也今天下已定又何
憊也且陛下病甚大臣震恐不見臣等計事顧獨與
一宦者絕乎獨不見趙高之事乎高帝笑而起魏
志辛毗傳毗字佐治陽翟人文帝欲徙冀州十萬戶
實河南時蝗饑羣司以爲不可而帝意甚盛毗與朝
臣俱求見帝知其欲諫作色以見之曰卿謂我徙之
非耶毗曰誠以爲非也帝曰吾不與卿共議也毗曰
陛下不以臣不肖廁之謀議之官安得不與臣議耶
臣所言非私乃社稷之慮也安得怒臣帝不答起入
內毗隨而引其裾帝遂奮衣不還良久乃出曰佐治
持我何太急邪毗曰今徙旣失民心又無以食也帝
遂徙其半

孫楚激石郝隆曬書

晉書孫楚傳楚字子荆太原人才藻卓絕爽邁不羣
與同郡王濟友善楚少時欲隱居謂濟曰當欲枕石
漱流誤云漱石枕流濟曰流非可枕石非可漱楚曰
所以枕流欲洗其耳所以漱石欲厲其齒世說郝
隆七月七日出日中仰臥人問其故答曰我曬書

枚臯詣闕充國自贊

漢書枚乘傳乘淮陰人爲吳王濞郎中吳王怨望謀
逆乘奏書諫不納去之梁從孝王遊漢平七國景帝
召拜爲宏農都尉以病去官復遊梁梁客皆善屬辭
賦乘尤高武帝自爲太子聞乘名及卽位以安車蒲
輪徵乘道死詔問乘子無能爲文者後迺得其孽子
臯至長安上書北闕自陳枚乘之子上得之大喜召
見使賦平樂館善之拜爲郎又趙充國傳充國隴
西人善騎射沈勇有大略少好將帥之節而學兵法
通知四夷事本始中爲後將軍少府元康三年降羌
等犯塞時充國年七十餘上老之使御史大夫問誰
可將者充國對曰亡踰於老臣者矣

王衍風鑑許劭月旦

晉書王衍傳衍字夷甫神情朗秀明悟若神常自比
子貢聲名籍甚傾動朝野謂之一世龍門又石勒載
記勒年十四行販洛陽倚嘯上東門王衍見而異之
顧左右曰是有奇志恐將爲天下之患馳遣收之會

勅已去。後漢書許劭傳。劭字子將。汝南人。少持名

節。好人倫。多所賞識。天下言拔士者。咸稱許郭。謂林宗

曹舉。徵時。嘗卑辭厚禮。求為己目。劭鄙其人。不肯對

操。乃伺隙脅劭。不得。已。曰。君清平之姦賊。亂世之

英雄。操大悅而去。劭與從兄靖。俱有高名。好共覈論

鄉黨人物。每月。輒更其品題。故汝南俗有月旦評焉。

賀循儒宗孫綽才冠

晉書賀循傳。循字彥先。山陰人。操尚高厲。言行進止

必以禮讓。舉秀才。建武初。為中書令。改拜太常時宗

廟始建。舊儀多闕。朝廷疑滯。皆諮之於循。循輒依經

禮而對。為當世儒宗。又孫楚傳。楚孫綽。字與公。博

李氏蒙求補注卷一

六

學善屬文。除著作佐郎。轉廷尉卿。領著作。綽少以文

才垂稱于時。文士綽為其冠。

太叔辯給仲治辭翰

全唐詩作太叔辨治學仲辭翰

世說太叔廣。注廣晉室宗屬甚辯給而擊仲治。學虞本傳字仲治長

於翰墨。俱為列卿。每至公坐。廣談仲治不能對。退著

山濤識量毛玠公方

任昉為范雲讓吏部表。夫銓衡之重。關諸隆替。遠惟

則哲。在帝猶難。在魏則毛玠公方。居晉則山濤識量。

以臣況之一何遼落。

裴益卻座衛瓘撫牀

史記袁盎傳盎楚人文帝時爲守郎將上幸上執皇
后慎夫人從其在禁中常同席坐及坐郎署長布席
盎引卻慎夫人坐夫人怒不肯坐上亦怒起入禁中
盎因前說曰臣聞尊卑有序則上下和慎夫人乃妾
妾主豈可與同坐哉且陛下幸之卽厚賜之陛下所
以爲慎夫人適所以禍之陛下獨不見人跪乎上乃
說召語慎夫人夫人賜盎金五十斤 晉書衛瓘傳
惠帝之爲太子也朝臣咸謂純質不能親政事瓘每
欲陳破廢之而未敢發會宴陵雲臺瓘託醉因跪帝
牀前曰臣欲有所破帝曰公所言何邪瓘欲言而止
者三因以手撫牀曰此座可惜帝意悟因謬曰公真

李氏蒙求補注卷一

九

大醉邪

于公高門曹參趣裝

漢書于定國傳定國東海人父于公爲郡決曹決獄
平羅法者皆不恨東海太守殺孝婦郡旱三年後守
至于公白石守祭冢表墓天立大雨郡中大敬重于公
後定國亦爲獄史舉侍御史超爲廷尉務在哀鰥寡
加審慎之心甘露中爲丞相封西平侯子承嗣以列
侯至御史大夫尚主始于公閭門壞父老方共治之
于公譖曰少高大門閭令容駢馬高蓋車我治獄多
陰德法豈有所寬子孫必有興者至定國爲丞相承
爲御史大夫封侯傳世云劉峻辯命論于公高門以

羅

待封 史記曹相國世家參沛人漢王為皇帝以參
為齊相國相齊九年齊國安集大稱賢相惠帝二年
蕭何卒參聞之告舍人趣治行吾將入相居無何使
者果召參代何為漢相國

庶女振風鄒衍降霜

江淹上建平王書昔者賊臣叩心飛霜擊於燕地庶
女告天振風襲於齊臺注鄒衍盡忠於燕惠王王信
讒而繫之鄒子仰天而哭正夏而天為之降霜齊庶
女少寡無子養姑姑無男有女利母財殺母以誣婦
婦不能自解寃而告天雷電下擊景公臺隕海水大
出

范丹生塵晏嬰脫粟

李氏蒙補注卷一

二

後漢書獨行傳范丹注或作丹字史雲外黃人少為縣小

吏奉檄迎督郵恥之遁去到南陽受業於樊英又遊

三輔就馬融通經歷年乃還丹好違時絕俗為激詭

之行常慕梁伯鸞閔仲叔之為人桓帝時以為萊蕪

長不到官運於梁沛間徒行敝服賣卜於市推鹿車

載妻子拮拾自資或寓息客廬或依宿樹蔭十餘年

乃結草室而居焉所止單陋有時絕粒窮居自若言

貌無改間里歌之曰甌中生塵范史雲釜中生魚范

萊蕪 晏子晏子相景公食脫粟之食炙三七五卵

呂菜耳矣公聞之往燕焉曰嘻夫子之家如此其貧

乎而寡人不知寡人之罪也晏子對曰以世之不足也免粟之食飽士之一乞也彘三弋士之二乞也五卯士之三乞也嬰無倍人之行而有參士之食君之賜厚矣嬰之家不貧再拜而謝

詰汾曲魏鼈靈王蜀

魏書序紀聖武皇帝諱詰汾嘗田於山澤欲見輜輶自天而下既至見美婦人曰我天女也受命相偶遂同寢宿旦請還日明年周時復會此處言終而別去如風雨及期帝至田處果復相見天女以所生男授帝曰此君之子也善養視之子孫相承當世爲帝王語訖而去子卽始祖神元皇帝也諱力微故時人諺

李氏蒙求補注卷一

五

日詰汾皇帝無婦家力微皇帝無舅家李膺蜀志鼈靈於楚死屍乃沂流上至汶山下忽復更生乃見望帝望帝立以爲相時巫山壅江蜀民多遭洪水靈乃鑿巫山開三峽蜀江陸處後令鼈靈爲刺史號曰西州皇帝以功高禪位與靈號開明氏

不疑誣金卞和泣玉

史記直不疑傳不疑南陽人爲郎其同舍有告歸誤持同舍郎金去已而金主覺妄意不疑不疑謝有之買金償而告歸者來而歸金前郎亡金者大慙以此稱爲長者韓非子楚人和氏得玉璞山中獻之厲王王使玉人相之曰石也王以和爲誑而刖其左足

及武王卽位和又獻之武王又相之又日石也王又
以爲誑而刑其右足文王卽位和乃抱其璞而哭於
楚山之下三日夜淚盡繼之以血王使人問之曰天
下之別者多矣子奚哭之悲也和曰吾非悲別也悲
夫寶玉而題之以石貞士而名之以誑也王乃使玉
人理其璞而得寶焉遂名日和氏之璧按諸子皆言
和氏惟漢書鄒陽傳注始曰卞和

檀卿沐猴謝尙鵠鵠

漢書蓋寬饒傳寬饒魏郡人以孝廉爲郎舉方正遷
諫大夫擢司隸校尉刺舉無所回避京師爲清平恩
侯許伯入第丞相御史將軍二千石皆賀酒酣樂作

李蒙求補注卷一

三

長信少府檀長卿起舞爲沐猴與狗鬪坐皆大笑寬
饒不說起趨出劾奏長信少府以列卿而沐猴舞失
禮不敬上欲罪少府許伯爲謝良久乃解晉書謝
尙傳尙善音樂博綜衆藝司徒王導深器之辟爲掾
始到府通謁導以其有勝會謂曰聞君能作鵠鵠舞
一坐傾想寧有此理否尙曰佳便著衣幘而舞導令
皇者撫掌擊節尙俯仰在中傍若無人其率詣如此

李氏蒙求補注卷二

後學亡和金三俊元李輯

泰初日月李野陽秋

世說時人目夏侯泰初

元空

朗朗如日月之入懷

晉書外戚傳褚哀字季野康獻皇后父也少有簡貴之風與京兆杜乂俱有盛名冠於中興桓彝見而目之曰季野有皮裏陽秋言其外無臧否而內有所囊貶也

荀陳德星李郭仙舟

續晉陽秋陳仲弓從諸子姪造荀季和父子于時德

星聚太史奏五百里賢人聚後漢書郭太傳郭太

李氏蒙求補注卷二

字林宗界休人家世貧賤就成臯屈伯彥學三年博

通蹟籍善談論美音制遊於洛陽始見河南尹李膺

膺大奇之遂相友善於是名震京師後歸鄉里衣冠

諸儒送至河上車數千輛林宗唯與膺同舟而濟衆

賓望之以爲神仙焉性明知人好獎訓士類身長八

尺容貌魁偉褒衣博帶周遊郡國嘗於陳梁間行遇

雨巾一角墊時人乃故折一角以爲林宗巾其見慕

皆如此江總洛陽道詩仙舟李膺棹小馬王戎鑣

王忱繡被張氏銅鉤

後漢書獨行傳王忱新郟人嘗詣京師於空舍中見

一書生疾用謂忱曰我當到洛陽而被病命在須臾

暖下有金十觔願以相贈死後乞藏骸骨未及問姓名而絕忱卽鬻一觔營殯葬餘金悉置棺下人無知者歸後數年縣署忱亭長初到日有馬馳入亭中而止大風飄一繡被復墮忱前言之縣縣以歸忱後乘馬到雒縣馬遂奔走牽忱入宅舍主人見之喜曰今禽盜矣問忱所由得馬忱具說其狀并及繡被主人悵然良久乃曰被隨旋風與馬俱亡卿何陰德而致此二物忱自念有葬書生事因說之并道書生形貌及埋金處主人大驚號曰是我子也姓名金名彥前往京師不知所在何意卿乃葬之大恩久不報天以此章卿德耳忱悉以被馬還之彥父不取又厚遺忱忱辭讓而去時彥父爲州從事因告新都令假忱休息自與俱迎彥喪餘金俱存忱由是顯名 搜神記長安有張氏獨處一室有鳩自外入止於牀張氏祝曰鳩來爲我禍也飛上承塵爲我福也卽入我懷鳩飛入懷以手探之則不知鳩之所在而得一金鉤遂寶之自是子孫漸富資財萬倍蜀賈至長安聞之乃厚賂張婢婢竊鉤與賈張既失鉤家漸衰耗而賈亦數罹窮阨不爲己利或告之曰天命也不可力求於是賈鉤以反張氏張氏復昌故關西稱張氏傳鉤云

丁公遠 雜齒先侯

史記季布傳布弟丁公爲楚將逐寤高祖高祖急顧

曰兩賢豈相厄哉丁公引還漢王遂解去及項王滅
丁公謁高祖高祖以狗軍中丁公爲項王臣不忠使
項王失天下者丁公也遂斬丁公日後世爲人臣者
無效丁公又留侯世家漢六年上已封大功臣二
十餘人其餘日夜爭功不決未得行封上在雒陽南
宮望見諸將坐沙中語上曰此何語留侯曰謀反耳
上曰天下屬安定何故反乎留侯曰陛下以此屬取
天下今所封皆蕭曹故人所親愛而所誅者皆生平
所仇怨此屬畏陛下不能盡封又見疑及誅故相聚
謀反耳上曰奈何留侯曰上生平所憎羣臣所共知
誰最甚者上曰雍齒數嘗窘辱我我欲殺之爲其功
多故不忍留侯曰今急先封雍齒以示羣臣羣臣見
雍齒封則人人自堅矣上乃封雍齒爲什方侯而急
趣丞相御史定功行封羣臣皆喜曰雍齒尙侯我屬
無患矣

陳雷膠漆范張雞黍

後漢書獨行傳陳重豫章宜春人少與同郡雷義爲
友太守張雲舉重孝廉重以讓義前後十餘通記雲
不聽義明年舉孝廉重與俱拜尙書郎義代同時人
受罪黜退重見義去亦以病免後舉茂才終侍御史
又雷義豫章鄱陽人初爲郡功曹後舉孝廉拜尙書
侍郎有同時郎坐事當居刑作義默自表取其罪以

此論司寇同臺郎覺之委位自上乞贖義罪順帝詔
皆除刑義歸舉茂才讓於陳重刺史不聽義遂佯狂
被髮走不應命鄉里爲之語曰膠漆自謂堅不如雷
與陳又范式字巨卿金鄉人少遊太學與汝南張
劭爲友劭字元伯二人並告歸鄉里式謂元伯曰後
二年當還將過拜尊親乃共尅期日後期方至元伯
白母請設饌以候之母曰二年之別千里結言爾何
信之審耶對曰巨卿信士必不乖違至日巨卿果到
升堂拜飲盡歡而別文選范彥龍贈張徐州謾詩注
引謝承後漢書范巨卿與汝南張元伯爲友春別京
師以秋爲期至九月十五日殺雞作黍二親笑曰山
陽去此千里何必至元伯曰巨卿信士不失期者言
未絕而巨卿至

李氏蒙求補注卷一

四

周侯山嶷會稽霞舉

世說世目周侯

釋名周顛亦稱周侯

嶷如斷山注顛正情嶷然

雖一時儕類皆無敢媒近

又海西時諸公來朝朝

堂猶暗唯會稽王

釋名司馬道子亦稱會稽王

來軒軒如朝霞舉

季布一諾阮瞻三語

史記季布傳布楚人爲氣任俠有名於楚楚人諺曰
得黃金百斤不如得季布一諾布弟心氣蓋關中遇
人恭謹爲任俠當是時季心以勇布以諾著聞關中
晉書阮瞻傳瞻性清虛寡欲自得於懷讀書不甚

研求而默識其要遇理而辯辭不足而旨有餘見司徒王戎戎問曰聖人貴名教老莊明自然其旨何異瞻日將無同戎咨嗟良久即命辟之時人謂之三語掾

郭文遊山袁宏泊渚

晉書隱逸傳郭文河內人少愛山水尚嘉遯年十三每遊山林彌旬忘反父母終服畢不娶辭家遊名山歷華陰之崖以觀石室之石函步擔入吳興餘杭大滌山中窮谷無人之地倚木於樹苦覆其上而居焉時猛虎爲暴而文獨宿十餘年卒無患害嘗有猛虎張口向文文視其口中有橫骨乃以手探去猛虎明

李氏蒙求補注卷二

五

且致一鹿於其室前又文死傳袁宏字彥伯父勗臨汝令宏有逸才文章絕美曾爲詠史詩是其風情所寄少孤貧以運租自業謝尚時鎮牛渚秋夜乘月與左右微服泛江會宏在舫中諷詠聲既清會辭又藻拔遂駐聽久之遣問焉答云是袁臨汝郎誦詩即其詠史之作也尚即迎升舟與之譚論申旦不寐自此名譽日茂

黃琬對日秦宓論天

後漢書黃瓊傳孫琬早而辯慧瓊初爲魏郡太守建和元年正月日食京師不見而瓊以狀聞太后詔問所食多少瓊思其對而未知所况琬年七歲在傍曰

何不言日食之餘如月之初瓊大驚卽以其言應詔而深奇愛之蜀志秦宓傳宓縣竹人少有才學生主定益州辟爲從事祭酒建興元年拜左中郎將吳使張溫來聘百官往餞衆皆集而宓未往丞相亮累遣促之溫曰彼何人也亮曰益州學士也及至溫問曰君學乎宓曰五尺童子皆學何必小人溫曰天有頭乎宓有之溫曰在何方也曰在西方詩曰乃眷西顧以此推之頭在西方溫曰天有耳乎曰天處高而聽卑詩云鶴鳴九臯聲聞於天若其無耳何以聽之溫曰天有足乎宓曰有詩云天步艱難之子不猶若其無足何以步之溫曰天有姓乎宓曰有溫曰何姓曰姓劉溫曰何以知之曰天子姓劉故知之溫曰日生於東乎曰雖生於東而沒於西答問如響應聲而出於是溫大敬服庾信傷王司徒詩青衿已對日童子卽論天

李氏蒙求補注卷三

六

孟軻養素揚雄草元

孟子王肅聖證論以爲字子車傳子以爲字子輿孟
子外書徐辟將之秦孟子曰秦虎狼之國也子何遊焉對曰蘇子來招故將必往辟之祖於蘇爲陸且辟蘇之自出也孟子曰然則始贈子以言不約縱不連橫不爲威屈不爲利疚以守子素以全子生斯可矣此養素所本漢書樊雄傳雄字子雲成都人少好

學不爲章句訓詁口吃不能劇談默而好辭賦成帝時有鴈雄文似相如者上方祠甘泉召雄待詔承明之庭哀帝時丁傳董賢用事諸附離之者或起家至二千石時雄方草太元有以自守泊如也

向秀聞笛伯牙絕絃

向秀思舊賦序余與嵇康呂安居止接近其人並有不羈之自然嵇志遠而疎呂心曠而放其後各以事見法稽博綜技藝於絲竹特妙臨當就命顧視日影索琴而彈之余逝將西邁經其舊廬於時日薄虞淵寒冰淒然鄰人有吹笛者發聲寥亮追思曩昔遊宴之好感音而歎故作賦

呂氏春秋伯牙鼓琴鍾子期聽之方鼓琴而志在太山子期曰善哉乎鼓琴巍巍乎若太山少選之間而志在流水子期又曰善哉乎鼓琴湯湯乎若流水子期死伯牙破琴絕絃終身不復鼓琴以爲世無足復爲鼓琴者

郭槐自屈南郡猶憐

晉書賈充傳充婦廣成君郭槐性妬忌初充前妻李氏淑美有才行父豐誅李坐流徙後以救得還帝特詔充置左右夫人充託以謙沖不敢當實畏槐也乃別爲李築室而不往來槐欲省李氏充曰彼有才氣卿往不如不往及槐女爲太子妃槐乃盛威儀而去既入戶李出迎槐不覺脚屈因遂再拜

妬記桓溫

以李勢女爲妾南郡主拔刀率婢往李所欲斫之李在窗前梳頭髮垂委地姿貌絕麗徐結髮斂手向主曰國破家亡無心以至今日若能見殺猶生之年神色閒正辭旨悽惋主乃擲刀抱之曰我見猶憐何況老奴

魯恭馴雉宗均去獸

後漢書魯恭傳恭平陵人舉直言拜中牟令專以德化爲理吏人信服建初七年郡國螟傷稼犬牙緣界不入中牟河南尹袁安使掾肥親往廉之恭隨行阡陌俱坐桑下有雉過其傍傍有童兒親曰兒何不捕之見言雉方將雛親瞿然而起與恭訣曰所以來者

李氏宗求補注卷二

八

欲察君之政迹耳今蟲不犯境一異也化及鳥獸二異也豎子有仁心三異也久留徒擾賢者耳又宗均傳均安衆人補辰陽長遷九江太守郡多虎暴常募設檻穽而猶多傷害均到下記屬縣曰夫虎豹在山窟鬪在水各有所託且江淮之有猛獸猶北土之有雞豚也今爲民患咎在殘吏而勞勤張捕非憂恤之本也其務退姦貪思進忠善可一去檻穽除削課制其後傳言虎相與東游度江中元元年山陽楚沛多蝗其飛至九江界者輒東西散去由是名稱遠近按均嘗爲謁者監馬援軍征武陵蠻矯制降之以功遷歷令守本書南蠻傳卽載謁者宗均受降羣戀悉

平。又黨錮傳注，亦稱宗資安衆人家代爲漢將相名臣。祖父均自有傳，是均實當姓宗，其爲宋蓋傳寫久誤也。且通鑑亦大書宗均，其注中胡三省早辨之詳矣。

廣客蛇影殷師牛鬪

晉書樂廣傳，累遷河南尹，嘗有親客久闕不復來，廣問其故，答曰：「前在坐，蒙賜酒，方欲飲，見盃中有蛇，意甚惡之，既飲而疾於時，聽事壁上有角漆畫作蛇，廣意盃中蛇，卽角影也。」復置酒於前處，謂客曰：「酒中復有所見不？」答曰：「所見如初。」廣乃告其所以，客將然意解，沈疴頓愈。又殷仲堪傳：父師嘗患耳聰，聞牀下蟻動，謂之牛鬪，帝素聞之，而不知其人，從容問仲堪曰：「患此者爲誰？」仲堪流涕而起，曰：「臣進退維谷，帝愧焉。」

李氏蒙求補注卷

九

元禮模楷季彥領袖

後漢書黨錮傳序：汝南太守宗資任功曹范滂，南陽太守成瑨亦委功曹岑暉。一郡爲壽，曰：「汝南太守范孟博，南陽宗資主畫諾，南陽太守岑公孝，宏農成瑨但坐臈，因此流言轉入太學，諸生三萬餘人，郭林宗賈偉節爲其冠，並與李膺陳蕃王暢更相褒重，學中語曰：「天下模楷李元禮，不畏強禦陳仲舉，天下俊秀王叔茂。」晉書裴秀傳：秀字季彥，聞喜，以好學有

風操八歲能屬文叔父徽有盛名賓客甚衆秀年十
歲有詣徽者出則過秀時人爲之語曰後進領袖有
裴秀

魯褒錢神崔烈銅臭

晉書隱逸傳魯褒南陽人好學多聞以貧素自立元
康之後綱紀大壞褒傷時之貪鄙乃隱姓名而著錢
神論以刺之疾時者共傳其文後漢書崔寔傳從
兄烈歷位郡守九卿因傳母入錢五百萬得爲司徒
從容問其子鈞曰吾居三公於議者何如鈞曰論者
嫌其銅臭烈怒舉杖擊之

梁竦廟食趙溫雄飛

李氏家譜注卷一

十

後漢書梁統傳子竦少習孟氏易坐兄松事徙九真
顯宗後詔聽還本郡竦閉門自養以經籍爲娛竦生
長京師不樂本土自負其才鬱鬱不得意嘗登高遠
望歎曰大丈夫生當封侯死當廟食不然閑居可以
養志詩書足以自娛州郡之職徒勞人耳後辟命交
至並無所就又趙典傳兄子溫初爲京兆郡丞歎
曰大丈夫當雄飛安能雌伏遂棄官去終司徒錄尚
書事

枚乘蒲輪鄭均白衣

見卷一枚臯詣闕注後漢書鄭均傳均任城人少
好黃老書兄爲縣吏均受禮遺均數諫不聽卽脫身

爲傭。歲餘得錢帛歸。以與兄。曰：物盡可復得。爲吏坐臧。終身捐棄。兄感其言。遂爲廉潔。均常稱疾。不應辟召。建初六年。公車特徵。再遷尚書。數納忠言。肅宗敬重之。後以病乞歸。元和二年。帝東巡。過任城。幸均舍。勅賜尚書祿。以終其身。時人號爲白衣尚書。

陵母伏劍孟親斷機

史記陳丞相世家。王陵者。故沛人。高祖起沛。陵自聚黨數千人。居南陽。漢王攻項籍。陵以兵屬漢。項羽取陵母置軍中。陵使至。則東鄉坐。陵母欲以招陵。母既私送使者。泣語曰：爲老妾語。陵謹事漢王。漢王長者也。無以老妾故。持二心。妾以死送使者。遂伏劍而死。

李氏蒙補注卷二

十一

項王怒烹陵母。陵卒從漢王定天下。列女傳。孟子稍長。就學而歸。孟母方績。問學所至。孟子自若也。母以刀斷其織。曰：子之廢學。若吾之斷斯機也。孟子懼。旦夕勤學。遂成名儒。

齊后破環謝女解圍

戰國策。齊君王后事秦。謹與諸侯信。故四十餘年不受兵。秦昭王嘗使遺后玉連環。日齊多智。解此環否。后以示羣臣。羣臣不知解。后引椎椎破之。謝秦使曰：謹已解矣。晉書列女傳。王凝之妻謝氏。字道韞。安西將軍奕之女也。聰識有才。辨凝之弟獻之嘗與賓客談議。詞理將屈。道韞遣婢白獻之曰：欲爲小郎解。

圃乃施青綾步障自蔽申獻之前議客不能屈

鑿齒尺牘荀勗音律

晉中興書習鑿齒字彥威襄陽人少以文稱善尺牘
桓溫在荊州辟爲從事歷樂陽太守 晉書荀勗傳
勗潁陰人漢司空爽曾孫岐疑夙成既長博學達於
從政仕魏辟大將軍掾武帝受禪拜中書監加侍中
領著作進光祿大夫修律呂行於世初勗於路逢趙
賈人牛鐸識其聲及掌樂音韻未調乃日得趙之牛
鐸則諧矣遂下郡國悉送牛鐸果得諧者

胡威問絹陸績懷橘

魏志胡質傳注子威少有志尙厲操清白質爲荊州

李氏家乘補注卷二

三

刺史威自京都省之家貧無車馬僮僕自驅驢單行
拜見父歸臨辭質賜絹一匹爲道路糧威跪日大人
清白不審於何得此絹質曰是吾俸祿之餘故以爲
汝糧耳威受之 吳志陸績傳績字公紀吳人年六
歲於九江見袁術術出橘績懷三枚去拜辭墮地術
謂曰陸郎作賓客而懷橘乎績跪答曰欲歸遺母術
大奇之

羅含吞鳥江淹夢筆

晉書文苑傳羅含字君章耒陽人幼孤爲叔母朱氏
所養少有志尙嘗晝卧夢一鳥文彩異常飛入口中
因驚起說之朱曰鳥有文彩汝後必有文章自此藻

日思新。南史江淹傳嘗宿於冶亭夢一丈夫自稱郭璞謂淹曰吾有筆在卿處多年可以見還淹乃探懷中得五色筆一以授之爾後爲詩絕無美句時人謂之才盡

李廡清貞劉麟高率

世說李廡清貞有遠操而少羸病不肯婚宦既有高名王丞相釋名王導字茂宏亦稱丞相欲招禮之辟爲府掾廡得賤命笑曰茂宏乃復以一爵假人又南陽劉麟之高率善史傳荆州刺史桓沖徵爲長史遣人船往迎贈賄甚厚麟之聞命便升舟恐不受所餉緣道以乞窮乏一見沖因陳無用倏然而退

李氏蒙求補注卷二

三

蔣詡三徑許由一瓢

嵇康高士傳蔣詡杜陵人爲兖州刺史王莽居宰衡詡奏事到霸上稱病歸荆棘塞門舍中三徑終身不出時人諺曰楚國二龔不如杜陵蔣翁逸士傳許由手捧水飲人送一瓢飲訖挂木上風吹有聲由以爲煩去之

楊僕移關杜預建橋

漢書武帝紀注樓船將軍楊僕數有大功恥爲關外民上書乞徙東關以家財給其用度武帝意亦好廣關於是徙兩谷關於新安去宏農二百里晉書杜預傳預以孟津渡險有覆沒之患請建河橋於富平

津議者以爲殷周所都歷聖賢而不作者必不可立
故也預日造舟爲梁則河橋之謂也及橋成帝從百
寮臨會舉觴屬預日非君此橋不立也

壽王議鼎杜林駁堯

漢書吾邱壽王傳汾陰得寶鼎武帝嘉之薦見宗廟
臧於甘泉宮羣臣皆上壽賀日陛下得周鼎壽王獨
曰非周鼎上召問之對曰臣聞周德上召天下漏泉
無所不通上天報應鼎爲周出故曰周鼎今漢自高
祖繼周亦昭德顯行陛下功德愈盛天瑞畢至昔秦
皇親出鼎於彭城而不能得天祚有德而寶鼎自出
此天所以與漢迺漢寶非周寶也上曰善羣臣皆稱

李氏蒙求補注卷三

十四

萬歲是日賜壽王黃金十斤後漢書杜林傳林茂
陵人建武七年大議郊祀制多以爲周郊后稷漢當
祀堯帝亦然之林獨以爲周室之興祚由后稷漢業
特起功不緣堯祖宗故事所宜因循定從林議

西施捧心孫壽折腰

莊子西子病心而顰其里之醜人見而美之歸亦捧
心而效其顰富人見之閉門而不出貧人見之挈妻
子而去之彼知美顰而不知顰之所以美後漢書
梁冀傳冀妻孫壽色美而善爲妖態作愁眉嗔妝墮
馬髻折腰步齟齬笑以爲媚惑性鉅忌能制御冀冀
甚寵憚之冀愛監奴秦宮得出入壽所壽見輒屏御

者託以言事因與私焉

靈輒扶輪魏顆結草

左傳初宣子田於首山舍于翳桑見壘輒餓問其病
日不食三日矣食之既而與爲公介倒戟以禦公徒
而免之問何故對曰翳桑之餓人也問其名居不告
而退遂自亡也

扶輪字未
知所本

又魏顆敗秦師于輔氏

獲杜回初魏武子有嬖妾無子武子疾命顆曰必嫁
是疾病則日必以爲殉及卒顆嫁之日疾病則亂吾
從其治也及輔氏之役顆見老人結草以亢杜回躡
而顛故獲之夜夢之日余而所嫁婦人之父也爾用
先人之治命余是以報

李氏蒙萊補注卷一

五

司州傾寫平子絕倒

世說王司州與殷中軍

釋名殷浩亦稱中軍

語歎云己之府臬

早已傾寫而見殷陳勢浩浩衆源未可得測按司州
修齡也晉書衛玠傳玠年五歲風神秀異及長好

言元理其後多病體羸母恒禁其語遇有勝日親友
時請一言無不咨嗟以爲入微琅邪王澄有高名少
所推服每聞玠言輒歎息絕倒故時人爲之語曰衛

玠談道平子

澄字也

絕倒

澹臺毀壁子罕辭寶

水經注昔澹臺子羽齋千金之璧渡河陽俟波起雨
蛟挾舟子羽曰吾可以義求不可以威劫操劍斬蛟

蛟死波休乃投壁於河三投而輒躍出乃毀壁而去
示無怯意左傳宋人或得玉獻諸子罕子罕弗受
獻玉者曰以示玉人玉人以爲寶也故敢獻之子罕
曰我以不貪爲寶爾以玉爲寶若以與我皆喪寶也
不若人有其寶

東平爲善司馬稱好

後漢書光十王傳東平憲王蒼顯宗同母弟也建武
十五年封東平公十七年進爵爲王少好經書雅有
智思美須髯要帶入闈顯宗甚愛重之卽位拜驃騎
將軍位三公上蒼在朝多所隆益永平五年還國十
一年與諸王朝京師月餘還國帝臨送歸宮悽然懷

李氏棠棣補注卷三

六

思手詔國中傅曰日者問東平王處家何等最樂王
言爲善最樂共言甚大副是要腹矣司馬徽別傳
徽字德操陽翟人有人倫鑒識居荊州知劉表性暗
必害善人乃括囊不談議有以人物問者初不辨其
高下輒言佳其婦諫曰人質所疑君宜辨論而一皆
言佳豈人所以咨君之意乎徽曰如君所言亦復佳
其婉約遜遁如此

公超霧市曾般雲梯

後漢書張霸傳子楷字公超通嚴氏春秋古文尙書
門徒常百人司隸舉茂才除長陵令不至官隱宏農
山中學者隨之所居成市後華陰山南遂有公超市

楷性好道術能作五里霧時關西裴優亦能爲三里霧自以不如楷從學之楷避不肯見戰國策公輸般注公輸般魯般之號也爲楚設機注機關也將以攻宋墨子聞之百合重繭往見般謂之日聞公爲雲梯注梯之梯上入雲將以攻宋宋何罪之有

田單火牛江迫藝雞

史記田單傳單齊諸田疏屬也燕破齊單走保卽墨以距燕收城中得千餘牛爲絳緋衣畫以龍文束兵刃於其角而灌脂束葦於尾燒其端鑿城數十穴夜縱牛壯士五千人隨其後牛尾熱怒而奔燕軍燕軍大驚所觸盡死傷五千人因銜枚擊之燕軍大駭敗走李氏蒙求補注卷二晉書江迫傳迫陳留人少孤與從弟共居甚相友弟由是獲時譽試太末令遷吳令般浩北伐請爲諮議參軍遷長史時羌及丁零叛姚襄去浩十里結營以逼浩浩令迫擊之迫取數百雞以長繩連之繫火於足羣雞駭散飛集襄營火發因其亂隨而擊之襄敗

秦裔殞盜張遼止啼

晉書殷浩傳石季龍死朝廷欲蕩平關河以浩都督揚豫徐兗青五州軍事浩以兖州刺史蔡裔爲前鋒裔有勇氣聲若雷震嘗有二偷入室裔拊牀一呼而盜俱殞故浩委以軍鋒焉魏略張遼爲孫權所圍

遼潰圍出復入權衆破走由是威震江東見帝不肯止者其父母以遼恐之

陳平多轍李廣成蹊

史記陳丞相世家陳平陽武人少貧家負郭窮巷以弊席爲門然門外多有長者車轍又李將軍傳贊桃李不言下自成蹊注桃李木不能言但以華實感物故人如期而往其下自成蹊以喻廣雖不能道辭而忠心信物也

陳遵投轄山簡倒載

漢書游俠傳陳遵杜陵人少爲京兆史放縱不拘與郁夷令自免去居長安中列侯近臣貴戚皆重之牧

李氏蒙求補注卷三

六

守當之官及郡國豪傑至京師者莫不相因到遵門遵嗜酒每大飲賓客滿堂輒關門取客車轄投井中雖有急終不得去晉書山濤傅子簡性溫雅有父風初爲太子舍人歷尚書左僕射出鎮襄陽於時四方寇亂朝野危懼簡優游卒歲惟酒是耽諸習氏荆士豪族有佳園池簡每出遊嬉多之池上置酒輒醉名曰高陽池時童兒歌曰山公出何許往至高陽池日夕倒載歸酩酊無所知

淵客泣珠交甫解珮

左思吳都賦淵客慷慨而泣珠注鮫人水居出萬人家賣綃臨去從主人索器泣而出珠滿盤以與主人

神仙傳江妃二女遊於漢濱逢鄭交甫目而挑之
女遂解珮與之交甫行數步空懷無珮女亦不見

龔勝不屈孫寶自劾

漢書兩龔傳兩龔皆楚人也勝舍二人相友並著名
節世謂之楚兩龔勝舉孝廉徵爲諫大夫徙光祿大
夫王莽秉政勝乞骸骨歸莽篡遣存問明年遣使卽
拜爲講學祭酒勝稱疾後二年復遣使奉太子師友
印綬安車駟馬迎勝稱篤使者至以印綬就如勝身
勝輒推不受使者上言盛夏暑熱可須秋涼迺發詔
許勝自知不見聽遂不復開口飲食積十四日死

又孫寶傳寶鄆陵人以明經爲郡吏御史大夫張忠

李氏蒙求補注卷三

七

辟爲屬欲令授子經更爲除舍設備寶自劾去忠
固還之署寶主簿寶從入舍祭竈請比鄰忠怪之使
所親問寶前大夫爲君除大舍子自劾去者欲爲高
節也今兩府高士俗不爲主簿子旣爲之徒舍甚說
何前後不相副也寶曰大夫君以寶爲可士安得獨
自高前日君男欲學文而移寶自近禮有來學義無
往教道不可誦身誦何傷忠聞之甚慙

呂安題鳳子猷訪戴

世說嵇康與呂安善安來值康不在喜也康弟出戶延

之不入題門上作鳳字而去喜不覺猶以爲忤故作
鳳字凡鳥也晉書王羲之傳子徽之字子猷性卓

筆不羈嘗居山陰夜雪初霽月色清朗四望皓然忽憶戴逵逵時在剡便夜乘小船詣之經宿方至造門不前而反人問其故逵之曰本乘興而來興盡而反何必見安道耶

董宣疆項翟璜直言

後漢書酷吏傳董宣陣留人初爲司徒侯霸所辟累遷江夏太守外戚陰氏爲郡都尉宣輕慢之坐免特徵爲洛陽令湖陽公主蒼頭殺人匿主家吏不能得主出以奴驂乘宣候之乃駢車叩馬以刀畫地大言數主之失叱奴下因格殺之主訴帝帝大怒召宣欲箠殺之宣叩頭曰陛下聖德中興而縱奴殺良人將

李氏蒙求補注卷三

三

何以理天下乎臣不須箠請得自殺卽以頭擊楹流血被面帝令小黃門持之使宣謝主宣不從疆使頓之宣兩手據地終不肯俯帝笑勅疆項令出賜錢三十萬呂氏春秋魏文侯燕飲令諸大夫論已至於任座曰君不肖君也得中山不以封君之弟而封手是以知君之不肖也文侯不悅知於顏色座趨而出次及翟璜璜曰君賢君也臣聞其主賢者其臣之言直今座言直是以知君之賢也文侯喜下階而迎座以爲上客

紀昌貫虱養由號援

列子紀昌學射於飛衛使學視小如大昌以彘懸蝨

於屬南面而望之三年之後如車輪焉乃以燕角之
弓剡蓬之箛射之貫蟲之心而懸不絕 呂氏春秋
荆王有神自猿王自射之則搏矢而熙使養由基射
之始調弓矯矢未發猿擁樹而號

馮衍歸里張昭塞門

後漢書馮衍傳衍杜陵人幼有奇才九歲能誦詩二
十博通羣書王莽遣廉丹伐山東辟衍爲掾丹戰死
衍亡命河東更始遣鮑永安集北方永素重衍以爲
立漢將軍更始敗乃共罷去幅巾降於河內帝怨衍
等不時至永以立功得贖罪遂任用之而衍獨見黜
頃之以爲曲陽令衛尉陰興新陽侯陰就以外戚貴

李氏蒙補注卷一

三

顯深敬重衍衍遂與交結帝懲西京外戚賓容故皆
以法繩之衍由此得罪嘗自詣獄詔赦不問西歸故
郡閉門自保不敢復與親故通 吳志張昭傳昭彭
城人權以公孫淵稱藩遣張彌許晏至遼東拜淵爲
燕王昭諫不用稱疾不朝權恨之士塞其門昭又於
內以士封之淵果殺彌晏權數慰謝昭昭固不起權
因出過其門呼昭昭辭疾篤權燒其門欲以恐之昭
更閉戶權使滅火住門良久昭諸子共扶昭起權載

以還宮

蘇韶鬼靈盧充幽婚

王隱晉書蘇韶字孝先安平人仕至中牟令卒韶伯

父承第九子節數見韶與語天上及地下事不能悉知也韶與節別日吾今見爲修文郎守職不得來遂絕搜神記范陽盧充家西三十里有崔少府墓一日出獵射麋逐之不覺遠見道北府舍進見少府以女爲婚三日辭去後四年三月三日充臨水戲見一犢車乍浮乍沒既上岸見崔氏女與三歲兒共載女抱兒還充又與金盃而別後崔氏姨母迎兒還字日温休温休者幽婚也

震畏四知秉去三惑

後漢書楊震傳大將軍鄧騰聞其賢辟舉茂才四遷荆州刺史東萊太守當之郡道經昌邑故所舉荆州

李氏家乘補注卷一

三

茂才王密爲昌邑令謁見至夜懷金十斤以遺震震曰故人知君君不知故人何也密曰暮夜無知者震曰天知神知我知子知何謂無知密愧而出又中子秉少傳父業兼明京氏易博通書傳隱居教授四十餘乃應司空辟拜侍御史頻出爲豫荆徐兗四州刺史遷任城相自爲刺史二千石計日受奉餘祿不入私門故吏齎錢百萬遺之閉門不受以廉潔稱性不飲酒又早喪夫人遂不復娶所在以淳白稱嘗從容言日我有三不惑酒色財也本傳贊日震畏四知

秉去三惑

柳下直道叔敖陰德

見論語 列女傳孫叔敖兒時出遊見兩頭蛇殺而埋之歸見其母而泣母問其故對曰吾聞見兩頭蛇者死今者出遊見之故爾母曰蛇今安在曰恐他人復見之殺而埋之矣母曰夫有陰德者陽報之德勝不祥仁除百禍爾嘿矣必興於楚及叔敖長爲楚合

尹

張湯巧詆杜周深刻

史記酷吏傳張湯杜人父爲長安丞出湯爲兒守舍鼠盜肉父笞湯湯掘得鼠及餘肉劾鼠掠治傳爰書讒鞠論報取鼠血肉具獄磔堂下父視其文辭如老獄吏大驚遂使書獄父死湯爲長安吏武安侯爲丞

李氏蒙求補注卷二

三

相徵湯爲吏薦之天子遷至太中大夫與趙禹共定律令務在深文遷爲御史大夫舞文巧詆以輔法爲御史大夫七歲敗自殺又杜周杜衍人爲廷尉史事張湯至廷尉其治大放張湯而善侯伺中廢後爲執金吾捕治桑宏羊衛后昆弟子刻深天子以爲盡力無私遷御史大夫周初徵爲廷史有一馬且不全及至三公家訾累數巨萬矣

王尹京二鮑糾慝

漢書王吉傳子駿以孝廉爲郎左曹陳咸薦駿父子經明行修宜顯以厲俗遷司隸校尉出爲京兆尹先是京兆有趙廣漢張敞王尊王章至駿皆有能名故

京師稱曰前有趙張後有三王。後漢書鮑永傳永屯留人少有志操初爲郡功曹建武十一年徵爲司隸校尉帝叔父趙王良尊戚貴重永以事劾良大不敬朝廷肅然乃辟扶風鮑恢爲都官從事恢亦抗直不避彊禦帝常曰貴戚且宜斂手以避二鮑其見憚如此

李氏蒙求補注卷二

三

李氏蒙求補注卷二

一終

